

江陰縣志

卷三

三冊

江陰縣志卷之三

山川

江陰瀕江而多山山不種植民不獲山之利城鄉河
港賴江潮以資灌溉低鄉遇盛漲無所宣洩其畏潦
甚於他邑而潮挾泥沙易致淤塞潮不內入則灌溉
無資故畏旱尤甚於他邑宰斯土者勸種植以興地
利亟開濬以重農功能一日去諸懷哉若延陵申浦
由季子春申以得名雖考證者所必及而非斯邑民
生之急務也志山川

山

江陰縣志

卷三 山川山

一

君山在澄江門外二里縣治直北以春申君得名舊名瞰
江山俯臨大江北眺維揚南挹姑蘇東望海虞西眇京
口洵一邑之雄勝也由西麓而上為東嶽廟殿前有坊
曰龍飛駐蹕以明太祖曾登此殿下為春申君墓循廟而上曰
元天門其上有松風亭廢址趙志云宋志山巔故有松風亭後易名心遠山
巔為真武廟俗稱無梁殿今廢廟西南宋時有浮圖基尚存明邑
人尹嘉賓議重建山之北有樓面江曰望江樓宋浮遠
累石築基而未成浮遠堂宋紹興間知軍趙鶴之創建取
堂故址在其上東坡江遠欲浮天之句江都仲并作記
司法李珣柱聯云此水自當兵十萬昔人曾有客三千舊有翠煙廳時雨堂如斯
亭處江亭潮音閣洗心亭沈志作堂蔣靜學江樹亭皆

廢不可識別矣其自東嶽廟左而上有三元殿廢今三元

殿之東北有石方廣數丈曰盤陀石蔡志載盤石流泉旱則竭雨則流蓋

石隙積雨所注有似泉耳其下為畱月嶺蜿蜒坡嘉慶間於盤陀石

左重建梅花書院詳書院條今廢地當張連二公祠之後非故

址也院左關磴道數百級植梅千本繚以周垣上建石

亭遊覽者得憑眺焉

鷺鼻山在縣北四里山勢高斜如鷺鼻俗呼鷺嵒嘴江自金焦

而下大溜直衝磯頭水湍激深不可測今溜漸移而東磯下稍淺矣

黃山在縣東北六里西自鷺鼻連岡而東為琵琶峽過峽

四五里望若臥龍曰黃山相傳以春申君姓得名上有

江陰縣志

卷三 山川山

二

數峯中峯名席帽亂石散布吳時烽火之所其巔元邑

人王逢所隱居也其東山隴中凹為馬鞍山南為龍頭

岡其北巉巖峭壁有山嘴入江曰雞頭灣明邑人方謨

鑿石得二島建凌波閣植桃石隙稱小桃源與雞頭灣

東西相接者曰大石灣小石灣兩灣各有巨石或臥或

立激湍飛濤激齧其下如橋如洞奇險清絕為邑人勝

遊地

蕭山在縣東北十五里本以蕭姓所居名之俗謔為小山

上有祭江臺前代以子鱗入貢漁人羣集所也

彭公山在蕭山東舊傳彭越東征為營處

蟠龍山在蕭山東南一名蛟山唐垂拱中有黃龍蟠其上
三日故名

鳳凰山與蟠龍山相接昔傳有鑿石得玉鳳凰於此故名
香山在縣東北三十里十國紀年吳越攻常州張可琮以

江陰兵從陳璋敗吳越於香灣此其處也歷石虎門有
小峯特出曰小香山有菴曰梅花堂其額爲東坡書由

麓而上曰采香徑上有祖師殿繞而東爲兜率院又有

最勝塔

土名瘞
獅窟

越嶺而北有澗數十丈夾澗植桃名桃

花澗

浮山在香山北又名巫山子立江湍爲江海門戶故曰巫

江陰縣志

卷三 山川山

三

子門舊時江濤旋繞其趾今山之北石壁稜稜而洲漲
沙聯竟成平陸煙火相望矣

長山一名眞山舊傳梁武時有女於此得仙建至眞觀故
名祥符圖經作甄山東距香山二里許西麓有巨石飛
跨入江面平如筏故前志亦稱石筏山今呼石牌筏之
出沒視潮汐長落江邊大石方丈許爲漁人舉網地循
麓而上有斥堠礮臺江防烽火在焉東北麓臨江峭壁
中空下垂爲大小天臺石其下有石室空洞杳冥人跡
罕至

鎮山在香山東北舊志謂昔有虹蜺出此山爲鎮星所隕

化者其說荒唐不可信蔡志移貪山之解崇泉謂出此山未審何據今沒榛莽中莫能識也其北有石獨立如老僧曰和尚石土人以石頂液出爲雨兆東有平岡明時石頭港巡檢教士兵馳射處

段山在縣東北七十里大江中與楊舍堡相望傍山沙渚曰段山沙

綺山在縣東十里昔吳王泛舟其下見野花錯繡如綺故名山有虎礪石爛斑如虎隱踞巖壁間東有善利泉味甘美泉流分注曰兩水灣俗譌冷水灣陸文圭墓也

敵山在縣東十五里山脊形如鉏鋸故以敵名俗名耙齒

江陰縣志

卷三 山川山

四

山一名貪山梁大同中有樵夫識金銀氣掘之爲石所壓故名貪

定山在縣東二十里雄峻磅礴爲邑諸山之冠山勢岡巒迴合面各異形舊傳有定光佛示現故名又以山之西阿有女仙臺太守女於此修仙得道亦名女山其西曰娥墓嶺南俯應天河東至三河口又東三里有兩坡突出崖谷蒼然溯澗道紆折而入高峯如屏泉石綺麗則鬢塔灣也明時葛氏別業有三十一景今廢下爲飛錫菴唐法響駐錫處菴又有玉乳泉俗名虎跑瑩白甘腴循灣北上爲千僧基前代故叢林地毀廢已久今仍建

僧廬焉

彭墓山本定山支隴在張岐村亦名張岐山

售山在縣東二十五里梁天監中劉售嘯聚於此自名爲售山

稷山在縣東三十里唐薛稷有別業於此亦曰薛山下有長洲翰林顧淞墓

覆酒山在稷山東山極低小形如覆舟曰覆酒者音之譌也

赤石山在縣東三十里高僅數丈俗呼繆墅墩上有周穆王廟遊仙塘赤石亭俱廢山下產紅石郭璞云赤石山

江陰縣志

卷三 山川山

五

下有朱砂是也

砂山在定山東南十里爲華墅鎮之屏障其西支嶺曰雞籠山迤東有泰清寺又東爲牛嶺山頂有五峯曰五峯

頂上有石方廣不盈丈曰金鷲石登山四望具區揚子隱約可見東峯

建文昌閣山頂砂磧隱隱如列堠昔楊吳武義間敗吳越兵於砂山豈其地歟東北麓爲趙孝子墓

白龍山在砂山東二里舊傳有白龍遊其上今龍洞在焉一名龜山北數里有小阜曰白鹿山吳王獵得白鹿之所故名

顧山在縣東九十里舊名香山以界於江陰無錫常熟三

縣故名三界山半麓爲香山寺建自梁大同中寺有山茶樹相傳爲昭明太子手植寺左有文選樓

由里山在縣南十五里郭璞條山記云由里山前瓠子岡山之得名以此或曰山四面皆九里譌九爲由或曰兩峯相倚如妯娌名妯娌或又曰山有石磧作鯉形名游鯉西曰楊梅隄其南葛文康墓在焉由墓而下爲冷光亭爲九蓮菴其西爲山居菴山人李寄棲隱處折而東爲松蔭菴上有白龍洞山巔作雲邦人以爲雨候其旁小峯北落者前志分此爲華山

毘山在縣南三十里俗名時山以有時姓居此也有寺曰

江陰縣志

卷三 山川山

六

能仁亦名中山寺

慶山在縣東南五十里富杯河之南以慶雲里得名一名盤石山界屬江陰金匱間

青山在縣西五里形甚卑小寰宇記云上有干將鑄劍鑪九所又名九鑪山

秦望山在縣西南三十里南徐州記暨陽縣西有秦履山是也其峯有三曰頭茅峯二茅峯三茅峯皆建元帝殿其頂二曰烏塔曰箬帽武陽諸峯環列左右東曰雙奶山兩峯並立西曰仙人墩俗呼蘆岐山墩下蘆岐菴鳥窠禪師放螺異跡在此其東支曰雞籠山

與砂山雞籠名同地異

焦山在秦望山北舊志云樵山之譌

觀山在焦山北山頂如屏東西分嶂諺稱觀山頂上玉屏風者也其前兩峯矗立一道中通曰觀山門其西南支曰丁國山

高山在觀山西俗稱舜過山北岫為唐人魏璞隱居處今其地尚名魏村山南有野山嘴入陽湖界

白石山在觀山北岫如伏獅又名獅子山山產白土如石可磁可罐陶者取焉

前栗山在縣西六十里山不甚高而單椒獨秀山旁多種瓜味甘美今稱前栗瓜是也

江陰縣志

卷三 山川山

萬壽山在城內學使署後

舊志不載蔡志謂諸山歸宿處未習形家言不能定其說也附

識於末

江

揚子江在縣北二里西接武進達京口北越靖江抵通泰東達常熟又東流入海中有段山巫山石釘三角等沙江潮一日夜再至呼吸萬里吐納百川旁灌諸港

湖

芙蓉湖距邑南境三十里以湖水繞三山下名三山湖又名射貴湖地隸無錫陽湖兩邑其東壤屬江陰者則馬家湖也隸於青陽夏城黃橋三鎮之間與芙蓉湖接壤

中界一塍前代時澄波千頃葭菼叢生固汪洋一大瀦
澤也明宣德時巡撫周文襄塞湖爲田築土爲隄凡關
芙蓉湖田三萬六千畝屬陽錫兩邑馬家湖田七千三百畝
屬江陰四圍長河繞之所築隄廣數丈各圩田塍畧列村
落暮布芙蓉湖境稍低湖心尙有方沼數十畝爲當日
遺蹟馬家湖則皆膏腴沃壤非復舊觀惟淫霖水溢墟
落浸漫居民拏小舟出入有浮家泛宅之慮焉
前湖在縣東南隅南唐時何氏女避亂遇賊不屈自投於
湖卽其處也舊爲巨浸築城後盡塞爲田僅存小沼人
猶指爲湖云

江陰縣志

卷三

山川 江湖

八

胥湖在縣東四十五里相傳伍子胥入吳過此擊劍而歌
因名胥歌村湖在村側

繖墩湖在縣東三十五里宋紹興間詔爲放生池湖中土
阜傳爲吳王第八子墓宋志云其地四十七畝有奇今
四周水僅尋丈寔非舊矣

暨陽湖宋志云舊經在縣東十五里又有螺州並莫詳其
所在

河港

內城河

南轉河

東轉河

以上詳見城池

鄭涇河在朝宗門外自高橋分流入端明橋西行二里許至龍鬚河口合南轉河北入江萬曆三十六年兵備道蔡獻臣以諸生尹嘉賓請檄里民開濬

龍鬚河一名新河在澄江門外自永定壩繞西而南接鄭涇河向因殺江潮水勢疏之今為兩轉河通黃田港之道

黃田港在澄江門外春申君開以溉田故名為江潮出入之總匯前志俱以貫城闔南出而與九里河接者為舊渠今築永定壩港水西轉而入鄭涇河出端明橋南與

江陰縣志

卷三

山川 河港

九

運河及應天河會

澄江河一名壇河在澄江門外引東轉河水北行而西繞邑厲壇由澄江橋口入黃田港

鮐魚港在君山東引外城東轉河入江今久淤

右近城河港

夏港在縣西十里傳為夏禹所鑿故名

黃志云南引五瀉堰過青陽北至山

塘河口折而東過崇鎮出蔡涇閘北入江迤邐七十五里介縣境而中分之蓋江陰百瀆之宗經浙西列郡之喉舌洪荒以來禹跡所及固已有之非若申蔡諸港智勛而力為是故志河渠者必於是乎先焉 今自

運河西岸蔡涇廢閘為入口處西行折北十餘里入江

其支河西行者北為凌宕溝又北曰吳涇河在葫橋鎮東出者曰聶家溝北曰南溝又北曰郭家溝曰陳皮溝

曰橫塘溝分支南行者為崇溝河一名龍游河長十六里繞雞籠秦望蘆岐等山之陰向南行至焦墊接三山石堰之水又分支東通運河者為龍章河俗呼黃昌河

國朝康熙四十三年及四十七年雍正十三年相繼濬乾隆

四年知縣蔡澍重濬自蔡涇開至港口馬橋內小石橋長三千八百四十丈八尺夏港葫

橋觀山蔡涇四並濬龍游河自夏港口至汪家橋陽鎮業佃協濬湖界長二千六百六十六

丈一尺觀山近又疏通高家善岸聖斯三溝善岸高家河各村莊濬

中隔一田長九十步高家聖斯亦東西近接中隔田塍長二百二十步三溝相望阡陌間之不相融貫善岸由

大而入潮汐尚無旱涸之患而高家聖斯水出橫塘河紆迴而溢早澇交病乾隆七年知縣蔡澍相度形勢令買

水泛溢早澇交病乾隆七年知縣蔡澍相度形勢令買田二畝餘開通三溝大河之水輾轉貫輸遇有漲溢亦

宣洩通暢矣向例夏港河之本夏港葫橋觀山蔡涇四鎮分開惟觀山上四保與下五保以不肯協開訐訟不已

江陰縣志

卷二 山川 河港

雍正五年知府包括勸令下五保協挑三百十七弓後知府梁敦書飭照前議乾隆三十八年知府費溥仍照例協挑惟龍章龍游二河不在此例十三年署縣祖世各保應挑段落悉照舊規勒石永遵

德濬十七年知縣張季賢濬五十一年署縣吳煥濬五

十七年知縣張曾枚濬嘉慶十一年知縣黃鶴濬二十

四年知縣蕭瑾濬道光十二年知縣陳希敬濬十八年

署縣陳延恩濬咸豐七年署縣何煥組濬同治十年署

縣周鼎濬

夏港支河原名都涇又名街河河身穿民房而居民覆橋

亭其上兵燹後頽垣破瓦充物其中同治五年里人吳

璋朱寶等稟請塞都涇河集資買田十餘畝引戴家河

港水開通至姚溝河直達三保西接范埠溝首尾造開
以時啟閉三保農田藉資宣洩

龍章河 龍游河

國朝乾隆二十八年五十年觀山下五保民合濬夏城一保
附近田畝循例協濬

流皮港在縣西二十里分新溝水北行入江

新溝港在縣西二十二里自三山石堰北行三十五里入

江其支河曰黃溝長二十餘里南通陽湖又南曰橫溝
流注西南為申港東北溉田所資又有太路溝及小
支河七又有橫塘河界溝河
東至觀山門西達陽湖界明天順三年知縣周斌濬

七年主簿劉道濬萬厯間里民曹魁倡濬

江陰縣志

卷二 山川 河港

十一

國朝康熙三十八年知縣黃和中濬乾隆四年知縣蔡澍濬

自港口武廟至陽湖界長二千七十九丈
五尺虞門申港二鎮沾水利者業佃協濬並濬橫溝河
自新溝至陽湖界長一千二百二十二丈夏港鎮三
四六保申港鎮一保虞門鎮一二三保業佃協濬同

治八年署縣汪坤厚濬並濬橫溝河

申港在縣西三十里傳為春申君所開故名自陽湖界西
三河口北行至大軍橋又北過申港鎮之通濟橋迤而
東又北過劉郎橋西行過五相橋折而北過閘口長三
十餘里入江西面支河四順塘河通蘆埠港及利港西
界溝大脈河斜溝河俱通蘆埠港東面支
河五北橫溝西橫溝橫塘河
東界溝范埠溝俱通新溝港宋大觀間縣丞于溥濬乾
道間運漕姜詵知軍徐葳大濬明洪武二十四年濬天

順四年知縣周斌濬宏治七年嘉靖元年俱濬崇禎間里民繆應魁倡捐三百金濬港三十餘里知縣馮士仁旌之

國朝乾隆四年知縣蔡澍濬

自開口至陽湖梅家灣長三千二百六十九丈例於申港後梅

兩鎮沾水利田畝開挑

並濬范埠溝

長九百六十二丈五尺夏港鎮三保虞門鎮一三保業佃

協

十九年四十二年重濬同治十年署縣馬鴻翔濬

利港在縣西五十里自陽湖界塘河入前周大小鬼涇西

北入南橫河經利城約二十餘里至丁墅入江

支港曰羊角嘴

薛家浜奚溝門

宋大觀間縣丞于溥濬隆興二年知府劉唐稽

濬乾道二年運漕姜詵濬明嘉靖間頻濬

江陰縣志

卷二

山川

十二

國朝乾隆四年知縣蔡澍濬

自上東潮溝至陽湖界長五千四百三十三丈五尺面闊十二

丈底闊四丈後梅前周利城桃花丁墅諸鎮沾水利者分段開挑

四十二年知縣趙源

治濬同治十一年署縣周鼎濬

照業佃協濬舊章

立埭河在利港西五里一名橫丹河自武進界東北行至

丁墅入江

東曰西城河亦名找溝更東曰東城河亦名質港

明永樂嘉靖間濬

蘆埠港在縣西五十里深廣與申利二港等南自陽湖網

頭河入北行逾順塘河西繞後梅轉北過普善橋東折

轉北過張全橋又過馬橋入江

其西面支港曰西潮溝又南曰橫溝河排溝河其東面曰後溝順涇

溝大脈河西由西順塘入東由東順塘入明成化間

僉事伍性濬宏治九年縣丞張銘濬嘉靖二年重濬

國朝康熙二十二年四十七年俱濬乾隆四年知縣蔡澍濬
自陽湖界至馬橋長三千十二丈五尺丁
暨申港後梅三鎮沾水利田畝派夫挑濬 並濬排溝河
長七百六十弓後梅利 三十一
城兩鎮沾水利者挑濬 三十一
十五年二十三年俱濬咸豐七年署縣何煥組濬同治
十二年署縣金吳瀾復濬

桃花港在縣西六十里前明爲海運故道南自陽湖界入

前周經利城丁墅至桃花入江支流爲小橫河萬家河小三叉河川龍河小桃

河花明洪武二十八年濬正統四年巡撫周文襄濬天順

三年知縣周斌濬宏治十八年通判姚文灝大濬並疏

申利立埭三港嘉靖元年濬並濬申利二港二十四年

江陰縣志

卷二

山川 河港

十三

知府符驗濬

國朝康熙三十六年知縣耿慶濬乾隆三年知縣蔡澍濬長四

千七百九十四丈八尺內武江兩邑公開一千五十五丈八尺江邑全開三千七百三十九丈例於丁墅利城

桃花前周四鎮沾水 十八年重濬兩邑分挑段落三十
利田畝業佃協濬 有册存縣永遵

一年四十一年繼濬

五斗港在桃花港東一名小利港今淤又東曰烏泥涇亦

淤

利大河桃花港西面支流也自桃花蘆墩橋南入口西南

入利城又南至前周達南橫河北合桃花港入江明洪

武二十八年及天順三年濬

南橫河自前周利大河口過永利橋東行北自青魚口入
桃花港又東過桃花港口又東則南有虎塘涇通陽湖
界又東曰鬼涇口又東曰小鬼涇口亦南通陽湖又東
有黃泥涇又東過利港口至後梅又東至西閘爲蘆埠
港口港之南通網頭河達陽湖界蘆埠之東又有小橫
河
順塘河橫亘利港蘆埠港申港之中自利港東入口過順
塘橋貫蘆埠港又東達申港自蘆埠而西曰西順塘分
支入排溝河其東曰東順塘分支入大脈河明宏治九
年縣丞張銘濬

江陰縣志

卷三

山川 河港

十四

國朝乾隆四年知縣蔡澍濬

自申港大河口至順塘橋長二千四百十四丈申港利城後梅

三鎮沾水利田
畝派夫協濬

右西境河港

黃山港在黃山東環山而西南爲趙婆港其南流至土橋
入橫河西行由支河至鷄鳴橋引城外東轉河入江明
洪武十七年濬萬曆十五年知府譚桂濬

白屈港在蕭山東南引橫河水歷雙牌橋之東小石橋經
馮家壩朱家埭入江同治十二年署縣金吳瀾濬

河身自橫

河起至海口長二千五百五十二弓
雙牌七保三官蕭山保業佃協濬

白沙港在三官鎮南引橫河水過白沙橋入江明洪武十

八年濬

國朝乾隆三年知縣蔡澍濬

雙牌鎮七保開三百七十五弓
三官鎮一保開七百五十弓白

沙墩保開一千四百八十弓
蕭山墩保開一百九十五弓

同治五年知縣顏榮階濬

仍照
向章

石牌港自司徒橋西引橫河過宦橋西北行入江

石頭港在縣東三十里自大橋南引橫河經鎮山東嘴至

橫套入江

支港在橫河南者西有南橫涇北橫涇東有旱塘涇在橫河北者西有張公港官路港東

有永豐港新
富港廟港

國朝乾隆三年知縣蔡澍濬

大橋鎮一保二保井兩墩保開
二千四百五十七弓石頭港沙

各圩開八百
三十五弓

同治六年署縣汪坤厚濬

江陰縣志

卷三

山川 河港

十五

白蛇港在橫河南自雲亭三河口引應天河水東北行至

周莊北四河口與清溪河亭子港合其分支者由張家

灣北行經稷山東麓入橫河接石頭港入江

國朝乾隆三年知縣蔡澍濬

長六千二百十弓大橋周莊
長壽雲亭沾水利者均開 同

治十一年濬

照四鎮業佃
協濬舊章

雷溝港在縣東三十五里有東西二港西自三保橋引橫

河水北過陳莊橋西雷溝橋與東港合東自胡仙橋過

段橋何彥橋東雷溝橋與西港合北行至橫套入江

東

曹塘港
楊港

明洪武二十五年濬

國朝乾隆五十七年濬

大橋鎮三保雷東
墩保業佃協濬

並濬陳溝港

陳溝港在縣東三十七里南引橫河過北廟橋又北行歸

橫套入江 東面分支為南馬嘶涇東行達蔡港又北分支東行轉北為曹青港又南馬嘶涇分支北

行爲蒲鞋港 明洪武二十五年濬

國朝乾隆四年知縣蔡澍濬 自橫河口至港口長一千九百二十一丈二尺大橋鎮五保業

佃協 同治九年署縣馬鴻翔濬光緒元年知縣沈偉田

續濬 自南套河至朱家橋南達橫河曲折繞大橋鎮五保四保丈見二千九十五弓大橋鎮四五六保業

佃協 濬內沿橫河之三百六十弓俗曰公河除周莊鎮協濬外向係后滕街市當商鋪戶捐桃

南北蔡港在縣東四十五里自閘橋東北引橫河過興隆

橋北行過沈家橋歸橫套入江橫河南面為南蔡港自

閘橋東南行過北新橋 又南行分支為化成港其東行者過濟凝橋南過太平橋恩莊

江陰縣志

卷二 山川 河港

橋分支南通谷瀆港又南過通濟橋馬嘶橋 明洪武二

十五年濬

國朝乾隆四年知縣蔡澍濬南蔡港 自章卿閘至馬嘶何彥壩基長三千八百二十

四丈八尺章卿潔效必改四字號應開一 千四百二十

九丈三尺八寸內有才良知過得樓六字號向例止開

橫河不開蔡港者亦認協開五百三十弓俟開橫河時

潔效必改四字號亦協開五百三十弓彼此均濟具詳

立案其餘慕貞男三字號應開六百八十三丈四尺二

寸又華東鱗潛帝三字號馬嘶衣位有陶唐罪六字號

其應開一千 並濬北蔡港 自章卿閘至北壩基長一千

七百十二丈 同治七年署縣汪坤厚先

開六百六十九丈章卿知過 九年署縣

兩字號開四百二十一丈 馬鴻翔繼濬北段 自何彥橋起至章卿閘止 並濬北蔡

港自開口起至北壩基止河長八百三十丈均循照舊章業佃協濬

泗港俗名私港在蔡港東三里久淤

國朝乾隆四年知縣蔡澍濬長二千餘弓章卿才良得樓四字號業佃協濬

范港在泗港東三里屬楊舍鎮南流入橫河明洪武二十

五年濬

國朝乾嘉間節次疏濬光緒二年知縣沈偉田濬港東為包港今已塞

谷瀆港在縣東六十四里其南自北角引長河及東新河

水北行東過黃崎橋迤北過唐墅又北過黃土橋迤西

北至陶家灣過楊舍堡城東又北行橫河自西來會又

北過斜橋至馬橋北袤延三十里入江明洪武二十五

江陰縣志

卷二 山川 河港

十七

年濬天順二年知縣周斌濬萬曆四十四年縣丞余茂

先濬

國朝嘉慶二年二十四年道光十六年馬嘶楊舍兩鎮呈請

挑濬楊舍在縣境之極東清水南來者至北角而止楊舍遠隔二十餘里不能挹其餘潤所恃以入河達

港者惟江潮今令節港范港包港俱阻扼不通引納江潮者惟谷瀆港及橫河引各港之潮耳然濬橫河者諸

段不能實力開挑泗港一帶尤為狹淺濬谷瀆則馬嘶諸保阻撓苟且率責致坎莊一帶尤為壅塞谷瀆淤則

早潦交受其病向例自窰墩溝迤南至黃崎橋係馬嘶弔民伐罪四字號照田開挑自窰墩溝迤北至子孫橋

東面長一千八百三十三弓係楊舍恭維鞠傷四字號沾水利者開濬惟斜橋至江口

係楊舍毀女盤三字號沾水利者開濬惟斜橋至江口長四百三弓合恭惟鞠傷女毀盤七字號平田均攤公

挑同治六年署縣汪坤厚濬河身自令節起至窰墩溝止丈見長一千九百十

三丈七尺挑土八萬五千九百三十方七釐均楊舍鎮
沾水利者承挑自壩墩溝起至黃崎橋觀音堂止丈見
二千五百二十八丈九尺挑土六萬八千四百三十八
方四分六釐均馬嘶鎮沾水利者承挑循照舊章業佃
協
同治十一年署縣林達泉再濬

令節港在谷瀆港東二里宋政和間縣丞楚執柔濬並濬

市墩河今淤

蔡志云港形已失

界涇河在谷瀆港東三里東為常熟界

橫河在縣治之東橫巨邑境東西凡七十里東抵常熟界

西自東關永安河入口轉北經土橋

分支北行由黃山港入江司徒

橋

分支北行由石牌港入江

大橋

分支北行由石頭港入江

又東過

顧家橋

橋西分支北行入大頭楊家許家等涇及下浜又北至旱塘涇通石頭港

歷袁家橋

江陰縣志

卷二

山川 河港

十八

清溪河來會

南面支流為嚴松涇嚴家涇北面為小涇河家東涇

又過東陳溝口

南面支港為陳三涇黃泥涇蔡家涇北面為張家涇宋家涇

南過橫橋又東過護龍

橋

土名

蔡港貫焉

北行由橫套入為北蔡港南行經馬嘶入南長河為南蔡港

又十

餘里接楊舍城凡經雙牌三官大橋周莊章卿楊舍等

鎮聯絡諸港吐納江湖灌溉東境田疇數千頃宋天禧

間知軍崔立創開嘉祐間縣丞楊士彥濬政和四年知

縣王有濬明天順五年知縣周斌濬正德九年知縣萬

玘濬嘉靖元年知縣王泮濬萬曆十年又濬

國朝康熙四十八年五十年雍正四年俱濬乾隆五年知縣

蔡澍濬八年復濬

自東關永安河至楊舍接常熟界計七十餘里長一萬二千四百四十七

丈四尺雙牌一保濬橫河一百五十三弓四五六七八
九十四尺共八保濬橫河二千二百五十五弓一保又濬
永安河一百八十二弓五保濬橫河二千三百三十二弓
二弓三官一百三十四保濬橫河二千三百三十二弓
大橋一三三四六保濬橫河三千七百七十六弓三
五寸周東一二三保濬橫河五百八十四弓周西一
三四五保濬橫河七百二十五弓章卿一保至十
一保并泗港墩保濬橫河二千四百九十七弓五尺又
趙氏認開公河四十弓楊舍四五六保并范港墩保濬
橫河二千三百二十弓二尺五寸一六保三保及馬嘶
十一十二十三十八年二十五年三十二年四十八
四保濬谷瀆港

年俱濬嘉慶二十四年道光十五年又濬同治七年署

縣汪坤厚濬通河酌分五十四段每鎮每保應濬段落
確照舊章惟雙牌鎮界內永安河三百十

六弓逼近街衢向歸頭二兩保挨戶捐錢僱夫供役即
諺稱排門河者此次畧變向章蓋以房屋既廢無

戶可捐由雙牌董呈明在本鎮四保至十一保田畝
內協濬一次通計河身用戶部弓丈見九千三百五十

江陰縣志 卷三 山川 河港 十九

四丈七尺核挑土方九萬一千一百六十二方九分
經費錢七千四百二十三千一百六十二文按斯河失
濬已百有餘年其中雖經疏濬終未深通致大橋迤東
至楊舍三十餘里幾同平地蓄洩失宜農民病焉適山
陰汪坤厚來攝邑篆毅然以深濬為任集眾議利率舊
就雙牌三官大橋周莊楊舍章鄉六鎮得沾水利民田
按畝起夫業佃協濬以是冬興工閱三月葺事河面有
五丈至七丈之闊河底有二丈至二丈五尺之寬河岸
泥淖中奔走督責民亦忘勞穹碑屹立誌勿諼焉在十
一年署縣林達泉續濬自朱家橋至楊舍二十餘里本
屬懸殊因再濬焉此次永安河雖有鋪戶可捐
然終形不足仍循上屆章程以後永照舊章矣

觀莊河在縣東十里由雞婆墩分支東流入千金斷又分

支南流過松橋浜與應天河合

市墩河在縣東四十五里沈志引宋政和治河記云市墩

承蔡港之下流疑卽蔡港之南蔡志云今塞

右東境河港

運河一名經河南自四河口引五瀉河水過渟塘河漕港

河口北至青暘月城塌水港自西來會又北過馮涇河

至三河口山塘河亦自西來會更北過崇溝河峯鎮橋

蔡涇鎮其支流為蔡涇河北流再北為九里河經五里

亭支流為高泗歷五雲橋支流為其直達城濠者曰南

潮河自錫邑至此長四十五里為漕船來往之經途通

邑河渠此為要匯宋皇祐間知軍葛閱集粟二萬斛給

民濬之後知軍邢燾知縣張宗濤繼濬明宏治間水利

江陰縣志

卷二 山川 河港

主事姚文灝議大恢拓恐妨民田且資力不給遂止正

嘉間知縣萬玘孫應奎趙錦嗣濬萬歷末同知萬建侯

濬崇禎間知縣馮士仁濬

國朝康熙三十七年知縣耿慶濬

是時并開內城河通縣均派城河長九百四十五丈

五尺每丈用夫二名共派一千八百九十一夫運河自南外三叉河至蔡涇石牌此段因兩岸高聳起土艱難

每丈用夫三名共派四千六百三十夫五分自蔡涇石牌南至月城小青暘庵此段平坦每丈用夫二名共派

八千九百二十夫以上九里河計一千五百四十三丈五尺經河四千四百六十八丈又城河運河大小壩二十

座派夫填築用一千四百八十八夫通四十二年知縣陶

彝濬五十二年知縣陳協哲濬乾隆二年知縣蔡澍領

帑募夫挑濬

河分十六段第一段自南外三叉河至庵基長三十七丈五尺原估面寬六丈底寬

一尺二寸五分應除舊土五方實挑新土十方七分五釐共挑土五千二百八十三丈原估開深三尺
每丈計土三千方五分挑舊河形深三尺原估開深三尺
五寸應除舊土六分實挑新土七分自南橋共挑土四
三百七十二方五分實挑新土七分自南橋共挑土四
基長四百二十六丈亦每九丈實挑新土七分自南橋共挑土四
三千一百二十六方內每九丈實挑新土七分自南橋共挑土四
一兩九錢九分二釐五毫每方請給銀八分該共土二
萬九千八百三十四方八分三釐九分起土每方請
增給銀四分該一千四百九十三兩八錢四分六釐連築壩岸水
計共銀八千三百九十四兩五錢四分六釐除椿木變抵
通共估銀九千三百九十四兩五錢四分六釐連築壩岸水
銀四十五兩一錢八分實用銀八千九百八十六兩三
錢六分六釐工竣冊報奉部駁減土方銀四百五十三
兩二錢六分二釐又緣陰雨連綿增加車岸添給夫工
并督工官薪水書役地保飯食紙張等項蔡澍捐廉賠
補
三十三年總督尹繼善巡撫陳宏謀奏請開挑運河

江陰縣志

卷三

山川 河港

二十二

嗣後可用民力免動公項嗣於三十八年五十二年嘉
慶八年二十年道光六年十六年民力開濬通縣均役

起夫分段細冊縣吏掌之築壩岸水通河 咸豐八年署
各事宜簽董經理並派佐貳官分段督工

縣何煥組重濬仍照向章 同治十二年攝縣事金吳瀾稟請

檄前署縣林達泉會濬 歷屆開挑按畝起夫兵燹後田
畝尚存拋荒未能均役因變通

舊章就啟征田數按畝隨漕忙水利局弓簾丈見五千
挑濬通河酌分八段遵用省垣水利局弓簾丈見五千

六百七十五丈一尺挑土六萬三千八百九十七方八
分三釐每方給錢二百四十四文加以壩座椿木岸水

撈洗暨各項經費共支錢二十四萬九千九百九十文呈請撥
四十二文餘錢二千一百九十九文呈請撥

入賓興
生息

高泗新涇河在五里亭對岸運河支流也

國朝乾隆四年知縣蔡澍濬

自運河口至謝園長三百四十一丈為高泗河自高泗河口至

謝園高頭田畔長二百十丈為新涇河並係謝園一三三四保業佃協濬

斜涇河在縣南八里自運河五里亭分九里河水經由里

山南歷謝園花山蕭岐三鎮長十五里

支河東南與馬涇河合亦通馮

涇

國朝乾隆四十三年五十一年濬

謝園蕭岐兩鎮業佃協濬

馮涇河在縣南二十里自月城橋北分運河水東行至蕭

岐分支北出者為馬涇河

歷臯岸北過周泗橋與長壽河匯南行

過丁岸橋與璜塘河匯

國朝乾隆三年知縣蔡澍濬

自運河口至蕭岐長九百五十九丈一尺月城蔡涇謝園蕭岐

江陰縣志

卷三 山川 河港

二十三

四鎮沾水利者業佃協濬

三十二年四十一年五十一年濬同治十

一年署縣周鼎濬照業佃協濬舊章

馬涇河東連斜涇西接馮涇北通黃土溝引運河潮水嘉

慶初年陳姓捐資開濬後久經淤塞光緒二年知縣沈

偉田重濬

河身一千三百二十弓謝園六七兩保蔡涇七一保峭岐九一保業佃協濬

山塘河在縣西南二十里自武邑匯水橋引三山石堰水

繞秦望白石諸山東北流經張公橋燒香橋雙橋出三

河口達於運河

國朝乾隆三年知縣蔡澍濬

自運河口至匯水橋長三千六百八十二弓夏城各保業佃協

濬

同治十二年署縣金吳瀾濬

照業佃協濬舊章

漕港河在縣西南二十五里自四河口分流西行折北與

山塘河匯

塌水港在山塘河南自楊淮口東北流出月城北達於運

河

淳塘河在縣南四十里其河有二曰前後淳塘河一自對

塘頭橋一自青陽市南東岸分
流經渡船橋與前淳塘河匯

南長河自匯水橋西東南行過蟹姑尖黃塗壩對洞橋運

西即漕
港河 穿運河而東過塘頭橋自對洞橋而 再過璜塘

河口經北瀦達馬鎮五瀦河水分支自燕
橋來會即馬鎮河 歷西洋白蕩

五瀦河水分支自崇村
橋來會即西洋百丈河 又東北至西洋橋自馬鎮至此

江陰縣志

卷三

山川 河港

二十四

過富杯河口至塘石堰繞祝塘鎮自西洋橋至此 又東北

過新塘橋達八字河口過跨塘橋長涇河自南來會此
下即東長河之尾與

常熟通
流者 又東泰清河及蔡港來會又東過白蕩橋谷瀆

港來會又東過北角東新河顧山河自南來會又東北

過永安橋入常熟界按各志俱不載此河蔡志始立此
名蓋自郡至常熟道也今仍其舊

而注明即某河港
庶不至複混云

右南境河港

應天河一名長河自八字河口引南長河水北行過周家

橋北面支流為泰
清河通華墅 西歷劉家橋北面支流
為周莊河 茂墅橋南面
支流

為長
壽河 西北至三河口北面支流為白蛇
港通大橋周莊鎮 歷雲亭橋北面

橋浜南面繞定綺諸山由迎福橋西入運河明嘉靖七
為燒香浜

年知縣張集濬

國朝乾隆四年知縣蔡澍濬自南外三叉河口至茂墅橋長四千九百十二丈九尺南外

保謝園一二保雙牌三保綺山花山雲亭長壽周莊全鎮華東四九保華西一四六七八九保馬嘶二三五六

八保業嘉慶十五年道光元年俱濬十八年署縣陳延

恩咸豐七年署縣何煥組俱濬

長壽璜塘河在縣東南三十里自馬鎮璜塘河口北行歷

前馬橋經璜塘北過須茅又北會馮涇河經長壽鎮至

四河口入應天河

清溪河自周莊浜口分應天河水北行經後過橋亦名後郭至

江陰縣志

卷三 山川 河港

周莊市接亭子港白蛇港口轉東向北歷承西橋清溪

橋入橫河

國朝乾隆四年知縣蔡澍濬自後過橋南至亭子港口長二千四百三十一丈周西鹹河淡

三字號周東稱同治十二年署縣金吳瀾濬自四河口

字號業佃協濬河共三千三百七十一弓歸周東稱夜光周西鹹河淡

大橋岡字共七保沾水利者業佃協濬自四河口向南

至北新橋歸沿河沾水利者按畝派工自北新橋至朱

亭子港一名錠子港自周莊鎮北之四河口西會白與清

溪河接而北入橫河

國朝乾隆四年知縣蔡澍濬自四河口至橫河長二千三百六十丈七尺周西海鹹河重四

字號業
佃協濬 同治十二年署縣金吳瀾濬

泰清河自應天河桑家浜入繞砂山而東過湖塘橋南出

馬崎浜仍會於應天河 自湖塘橋南行至三條灣東南屈曲支東行者

出南長河南行者入紅染浜轉西亦入南長河

國朝乾隆四年知縣蔡澍濬 自河口至華墅青龍橋長一千三百五丈四尺華西二三五保

華東一三五六七保業佃協濬

南新河一名富杯河在縣東南六十里自西洋橋北分支

東行過文林富杯 西有西莊浜門村浜東有孔涇浜塘下浜 又東過何相橋

經河塘橋入東新河明天順二年知縣周斌濬

東新河在縣東南八十里引錫邑五瀉河水東北行過習

江陰縣志

卷三 山川 河港

禮橋東行至南角橋南過陳墅至黃莊入常熟界其自

南角北行者過萬歲橋至北角達南長河 支流為湯村河西行過長

涇之北 宋政和間縣丞楚執柔濬明洪武二十五年重濬

長涇河自東新河入口迤西過長涇鎮又西北行出南長

河

裏岸河自顧山發源西過新橋分爲二支一向西南行至

陳墅東與東新河合一向北行過省度橋又北至北角

入南長河

倪塘河在縣東九十里由谷瀆港而東南至顧山入無錫

界

便民河在縣東南六十里由長河轉東南而入新河今塞

右東南境河港

新南套河在后滕之北壽興沙之南

陳志載橫套河在蔡港石頭諸港之北道

光年間坍塌惟距巫山港二三里尚有舊址近亦淺淤東北接新套西由巫山港入江

咸豐年間

沿江復漲南北毘連各港水道不通同治四年董事曹

毓琇等於新沙中間韓家港對峙疏鑿是套迤西十有

餘里分爲二支一折北穿海壩達江口與北套合流入

江一繞西南循故套舊址達巫山港入江同治十二年

復於韓家港對峙迤東接鑿十有餘里西引江潮東距

熟界川港里許蓋東西合計二十餘里矣爲南北各港

江陰縣志

卷三

山川 河港

二十七

總滙水道

所需挑工經費概歸得沾水利農田按畝均役

北套河在壽興沙距南套三四里東自熟邑川港起過南

北各港二十餘條西盡老夾口綿亙二十餘里與新開

南套合流入江自咸豐年間南北增漲離江寢遠淫雨

則水無所洩旱則潮不內達疊遭歉歲沙董徐正育吳

之屏等於同治三年募捐鉅款買田疏鑿六年十二年

董事鄭經兩次募捐疏濬光緒二年知縣沈偉田重濬

詳請以得沾水利農田每畝捐錢十四文分忙帶收以

充車壩辦公經費仍按畝均役

計是套長三千六百餘丈面寬八丈底寬四丈

挑深六尺爲各港水道總滙之區潮沙易於停淤時有壅塞之虞而歲收之豐歉視此每以工多費鉅疏濬爲

難光緒三年沙民集資報買該沙北面新灘二千畝
詳請撥歸寶善堂經理俟成田收息以充水利公用

穿港 江自南兩至北計二千九丈

大檀樹港 江常南兩至北各半派夫開挑

明溝港 計自東至西

小檀樹港 港南通計一南套九至明溝

姚家港 計南通一南套三百三十丈

段頭港 計南至北橫套

韓家港 計南通二千套一百四十丈

渡港 五橫通五百十丈

天生港 計南通一南套六百三十三丈

江陰縣志

卷三 山川 河港

繆家港 圩南計接一天生港七百五十丈

新橫港 字東通計繆家港西通十丈

夾港 港南通計八北套七十丈

直港 三自南百套至北套計

水洞港 計南通八橫套北至官工

六成圩港 百北通穿五丈計

天字黃字圩港 百北通穿一港計八

朝東圩港 江南計接一明溝港三十丈

凝頭港 江南計接姚家港九十丈

山港 江南計接九百五十三丈

泰字圩港

南至官工北達大江計七百丈

思賢港

南接夾港北通大江計二千七百八十六丈

護漕港

北達大江計四百六十七丈四

永通港

北達大江計二百四十四丈二

廣昌圩港

北達大江計四百五十五丈

夾廂圩港

西通陽灘港計三百七十五丈

北天生港

西通陽灘港計二百二十丈

陽灘港

北達大江南至十

掘港

北通套口計三百五十五丈

木排港

在南北中間

江陰縣志

卷三

山川 河港

二十九

龍泉港

在南北中間

右瀕江各沙河港

附

白茆塘在常熟境

國朝康熙二十年巡撫慕天顏疏請開濬以塘為蘇常兩郡

要津邑之東境水利資其蓄洩檄令協夫助濬雍正五

年山東巡撫陳世瑄按臨督濬知縣陳陞誠奉文襄事

夫數以十分計派常熟當其四太倉當其二長洲崑山無錫江陰各當其一 乾隆三十五年

借帑協開限以三年攤徵歸款

按白茆塘係常熟洩水要道前因江邑曾協濬

而附載此今又數經大濬役不及江同治八年借藩庫陰蓋江邑東鄉地高水利所不及也

銀協濬限以三年攤徵歸款奉檄派定工役仍以十

計常昭當其五崑山長洲

元和無錫江陰各當其一徵銀七千兩續加修築石閘

工費銀一成九百兩復加不敷工費銀六百兩在闔閩

啟徵田畝內隨漕糧分收不及按是河本隸常熟乾隆三

徐六涇在昭文縣境同治十一年借省垣水利局銀協濬

工役素未及江邑此次仿照白茆河成案均作十分江

陰協一分在合邑啟征田畝內隨收銀一千三百八十

與知軍徐宗丞論水利劄子宋邑曹密

竊見江陰地勢在浙西最為卑小當運河下流與常州

江陰縣志 卷三 山川 河港 三十

諸溪之水西太湖震澤吳淞梁谿一帶水大必決而入於

江陰其南五瀉堰奔衝而下申港利港出江之口不快其

水聚而不出不知江陰疆界多少而能受諸處有入無

出之水乎其害惟江陰尤甚今幸有出江之口不能疏

鑿而使之通宜乎無有豐歲公利所失益多民亦漸皆

流徙之河終不能開鄉民無從得食矣宋教洽

乾道申利治水記授宋教洽

上即位之二年歲在丙戌詔遣轉運副使姜公詵按視

浙西四郡水利與守臣條具以間遂以八月次於江陰

知軍徐公葢相與研究利病延見父老審訂其說曰江

陰北臨大江地勢澗澗而下往來浮沙停淖湖山善於

夏秋淫雨浙西數郡百川並漲寸而落七鄉並湖山淹沒

者一百六十七萬餘畝歲秋苗以一萬計公私病

焉故申港利港皆宜治蔡涇之插西通大港之摧廢已

久亦宜治乃並銜上奏有旨以丁亥歲興申港之役既

丑歲濬利港輟為御資以充經費越孟春正日鳩徒
夔工兩役並舉輶車隼旗聯轡於邁撫存問眾忘
勞迨仲春二月三日迄工起三境者二十折抵九尺地
與毘陵犬牙相錯分治焉其在吾境者六十有奇插之
廣六丈下流之廣幾倍焉用工三十六萬有奇移基並
址距河差遠兩翼迫蹙波流悍急以然對峙長各費十
東直抵漕渠拓而大之易木以石屹然對峙長各費十
三丈四尺高渠一丈八尺土鐵石之工萬有九百費千
以緡計者三萬二千三百有奇米以石計者一萬一
四鄉歲入增十餘萬石幾千頃也蓋自嘉祐六年西之
田陰獲利者又不知其幾萬頃也蓋自嘉祐六年西之
廷遣都水監簿相視河渠郡守都官郎中楊士彥建議
開導檫柱等六河不視及申利二港厥後水利不講旦踰
百禩而蔡涇插壞已二十年矣至是許出於官而徐公曰
動大衆而建大利幸聖君矜吾民財用許出於官而徐公曰
一邑調度不支且奈何重費一大農吾非以備於此將欺
汰浮冗銖積寸累凡得緡錢一十萬非以備於此將欺
用建插漕港既以是充且謂利港在毘陵之利多宜以
屬之而江陰所宜增漕渠下通黃田以防汎濫絕壅

江陰縣志

卷三

山川 河港

三十一

滯預請於朝儲所贏錢六萬八千六百緡命郡從事王
淙掌之以備他日工役之費報八千六百緡命郡從事王
耗國下不斂民則是舉也善之
善矣始敘顛末俾來者有考云

嘉定開運河記

宋簽判 蔣惟曉

古暨為今偏壘實楚春申君封邑食之客侈於四公子至
我朝而珠璣魚蟹而郡亦凋敝於海導河自城闔南
乾溢相仍民貧而遠湖近江達於渤海蓋地勢中窳旁
仰所恃以爲利者遠湖近江達於渤海蓋地勢中窳旁
出黃田西距五瀉最資農田灌漑其播爲支派真瓜蔓
蛇足可瀦可洩不獨資農田灌漑其播爲支派真瓜蔓
橋水柁皆於此焉寄徑其利實徧於東南今歲久滯
治積沙反壤於流焉如陸農桑販官運家供往來交滯
於是畝川澤之息疑若地然以鱗次尾銜之舟或
不願出於其塗守地者非愬然以鱗次尾銜之舟或
逮則勇爲之志沮矣嘉定己卯春邢侯燾以扈丞出守
政足召和而年屢豐才足卯行春而事易越明年
乃濬九里河以疏游土會水謁臺堅而河不議興焉乃經
亦病於膠舟旅於艇舶者羣謁臺堅而河不議興焉乃經

乃度其役乃起自崇爰之即其橋極於青陽之屠墅地以君宗計
董其倍五之遙如役以鄉受者纒四而足面之潤為丈者八
者則濡足深不栗膚天從民欲萬雷歡趨太守率屬行
濕不濡足顧舒疾逸勤瞭然掌見勸懲有差一出而集
視目注指顧舒疾逸勤瞭然掌見勸懲有差一出而集
紫紆回折若螭心蟠蛟旋夷曠淵渟若穀縵練曳征帆交
錯如飛如折若螭心蟠蛟旋夷曠淵渟若穀縵練曳征帆交
斷港絕漢交流旁注內其餘力又辟若河之縵練曳征帆交
宗門陸續鳩工城外於守報政而後乃能以此事勢也今
倦於去此人情也奮於守報政而後乃能以此事勢也今
部使者趣還於郡太報政而後乃能以此事勢也今
者為勤事勢之難為易茲積難散也而前之美具焉然而
侯之力方慮乎潮汐為輪易積難散也而前之美具焉然而
年力役數興利反為病乃括戶籍之沒於官者專置司
存掌其歲入弗以他用每於農隙歲一舉行不以濬治
費民期為永久之利民德侯之深而化凋為饒開山可留
也乞鑿諸石以垂不朽觀侯之深而化凋為饒開山可留
以通道植橋梁以利涉治舍館以逆其下也園池器為
之飾亦煥然一新蓋百廢具舉而此其尤也役也為物

江陰縣志

卷三

山川 河港

三十二

丁夫九千三百二十有七始故事於仲冬之晦歲除而其
畢惟曉獲從寮吏二十有七始故事於仲冬之晦歲除而其
云歲月

九里河議

判明通 姚文灝

東南諸河惟此易壅推原其故蓋有三端一是黃田潮
來自東而西蔡涇潮來自西而東交衝互激會趨斜涇
湧滾泥沙積聚腰腹一曲是濬起浮土堆積兩岸風雨淋
洗旋復入河且河形曲隘崖勢高陡疏鑿既深岡阜壁
立積水之後遇沒輒崩少剝一隅便壅數丈起是脈中吳
地勢沿江有山為之包防近山土壤弛泄隆起山脈引
帶生氣流通日漸增長如古書傳所謂息壤造化之里
則然不足為怪坐此三故人不書察所以致此河最易堙
廢今欲開挑務圖遠利毋規近功必先鑿去兩岸積土
使與裏田相平卻又鑿去兩岸功必先鑿去兩岸積土
勢以漸入河如馬槽狀但農年功成不任事官先府止
是修岸次入河如馬槽狀但農年功成不任事官先府止
役人不樂趨久勞無收貯雇倩靖江等處專業土工人包
出辦食費錢物官為收貯雇倩靖江等處專業土工人包

辦開挑取其必費而免其所不便欲為還其土夫自在
本業官程督民不此失農兩皆行必明效但削壓
官銀錢或致貧民失業惟有才良吏為政久而得
田過多或致買田財力充餘口別出蔡涇之南議
深積累經畫又相度形便改鑿河則百數以十年
以漸為之而東行以息肩矣漫志之數以備後之
卻蔡涇而江陰之民或少息肩矣漫志之數以備後
可坐策而江陰之民或少息肩矣漫志之數以備後
焉子講

開申利桃花三港記

縣明知黃傅

國一朝宏治辛亥以來三月吳災沴頻仍而壬子尤甚自積
十騰湧至明年春二月恆雨既入市巡撫都御史何公鑑大
懼驛書以聞詔工部侍郎徐公貫來視便宜處治之於
是訪異能詢黃髮考故事采眾說而本府通判姚公文
灑以其習察熟圖之策獻焉於是議以爲三吳地
東北傾蘇松常三府東北屬縣百川之所取道以入江
海而瀕江並海之處歧流支浦探刺內地鈎絡以入者

江陰縣志

卷三 山川 河港

三十三

是謂斗門壅斗門閉闕水無所歸故妄逆行而爲災不
決去斗門壅斗門閉闕水無所歸故妄逆行而爲災不
萬北治申港利萬東治吳淞七浦之白茆於蘇松以五
米五斗放散儲廩若干萬武進縣丞關勝主姚公實撫
典史黃泰主利港無錫典史劉寰主申港而姚公實撫
摩督察之蓋奔走暴露於冰霜草莽者六十晝夜壬子
甲寅冬春之接也三河之役利港爲最力赤塊黃茅僅
辨形跡曾無濡筆之潤鑿五陸而窪之丈有奇半面廣九
十尺底減三之一長三五百三十丈有奇半面廣九
姚公爲壇告神之畢卸衣冠操畚鍤塗手雨汗負土登陸
躬其勞以倡之於是長吏效法眾夫駭呼趨事不
淹時而就功者悅以先之誠以動之也大臣報命上其
功天子錄之擢爲水部總動水利公事由是洪流
決天如赴沃焦化苴澤爲
桑麻更波濤爲苴澤爲

論本邑水利二則

縣明知趙錦

江陰南挹太湖北瀉揚子江太湖之水自夏無錫而於江
河運河之水自夏無錫而於江

潮由諸港以入而眾大河較之接引湖水由諸港以出而
眾河為之受瀉此其大較也支分而委治之則存乎
人前輩鑿河穿渠縱橫則害成不可圖也漢人有言通
溝瀆畜陂澤所以備旱也觀地形令河水工潮沙下壅
河洩暴水築田園所以防澇也江陰河港潮沙易壅大
紀不能久近者處宜設閘以通之每春勞淺民不可
外功減數倍矣其橫一河往嘗設閘力不能守終其
又懼勞民數年而淤沙之漸積疏濬之功當有次
害大小何如也潮沙之淤五年而一開某河某港淤
第如某河某港於淺宜五年而一開某河某港淤深
三年而一開計用夫力若干食若干為歲徵收之法
夫銀兩不得別項支畫以一定之數立為循環之法
而官所不足者為臨時復責之近便與利戶則開濬之
役歲有所不足者為臨時復責之近便與利戶則開濬之
者為定計乎

上御史俞公請濬橫河書

明邑方謨

江陰縣志

卷三 山川 河港

三十五

江陰之有封域卑下瀕江其係諸港者西有黃田
桃花申利諸港東有石牌雷溝令節灌漑者利宋知軍
洩水於江竟無瀦水以分東從節西至趙婆平地
崔公立溯其源擬其逆順東從節西至趙婆平地
鑿河四九里為堰於城之建寅門曰橫河蓋以諸
港為縱而界此河於諸散緡斛二萬二千三百縣
暢計累工四十萬有奇入橫河者分下蕭永安河曹
稽也江之潮自趙婆入橫河者分下蕭永安河曹
家村黃家巷綺山東西及橋沿北諸涇至蕭山而截
又分盧涇觀莊北湖蔣家橋山灣松橋雲亭至兩水
灣與長河會潮自豐雷溝石頭入橫河者分下蕭山而
山灣橋售山白豐雷溝石頭入橫河者分下蕭山而
橋皆此水也潮自豐雷溝石頭入橫河者分下蕭山而
達赤岸與長涇計田之沃者四餘頃宋史
崔立列諸循吏者以開河為利國朝來洪武順往來
壅滯至易嘉祐中楊士彥之為國朝來洪武順往來
相繼疏濬卒無成宏治間水利主事姚文灝為缺
縣黃公傅有開河公議黃公每言是河未復故宋范壅
政正德初僉憲高公旋以經費不支輒罷惟橫河屢壅
令節五港擬建五閘旋以經費不支輒罷惟橫河屢壅

屢高而凡支涇旁澮南畝於是河者外之潮皆由所通內
之淫霖無由洩以致南畝頻輟終不能底績者其於何
哉如不興也然此九里河亦潮衝而壅上入於斯
出於斯故三年一澹或五年一澹未嘗民告勞而官病
乏惟是河去縣治稍遐上見聞所未逮講水利者僅
爲塗澤耳又目計誰不克同愛憎亦異局於歎橫河所處之
說利於不興之者甚也僞之說狃於近者爲斷費之說又
與於不興之者甚也僞之說狃於近者爲斷費之說又
福於江民
靡鮮矣

重濬申利桃花三港記

明邑張簡

江陰在常郡地最下鄰封武進無錫之水必趨若震澤
之水溢晉陵則由戚墅過石堰入申港溢梁溪則由五
瀉河趨漕港會於石堰其溧陽荆溪而湖之自晉陵
網頭河經利港以達於江而孟瀆壅而不利則丹陽練
湖之水溢而合趨江陰此則桃花港及申利二港之原
委也故近江浦數十里而桃易堙者莫如茲三港之原

江陰縣志

卷三 山川 河港

三十六

乾道間轉運使姜公詵知軍靖周文襄二公利害故疏鑿
三港以公嗣後游沙積葑河漸反壞公提督水利事邑
御史何公以事聞詔以工部侍郎徐公華侯仲賢侯度
民以三港壅水乃議武進侯徐侯黃泰而府董其役
三港受旁縣之壅乃議武進侯徐侯黃泰而府董其役
陰治利港主勝無錫尉劉寰江陰尉黃泰而府董其役
者武進丞關勝無錫尉劉寰江陰尉黃泰而府董其役
灑並督之莫辨故道宏治甲寅春也迄今二十餘
泥積沙壅莫辨故道宏治甲寅春也迄今二十餘
寅己卯間三邁水災辛巳歲廷臣始以三吳水利建
今上方嗣實位治化一新乃命大臣司空李公總督利
事仍理巡撫是歲秋行部文沛蘇員外郎嚴君某工請
分大令王侯知府以興教覈其利爲循例以武進民情
時並報可下知府以興教覈其利爲循例以武進民情
請大令王侯知府以興教覈其利爲循例以武進民情
江陰府利港惟申侯則去春澹而竟復檄武進民情
其工而府倅王侯兼三港之役勤靡守令星輶
絡繹相忘勞苦始窪之廣九仞深成於五月千七百六
港爲艱平壤而窪之廣九仞深成於五月千七百六

十三丈有奇二港深廣如之鄉之士大夫謂不可無文
以紀休美某從大港後乃撰次其事以俟後之君子採
焉擇

重濬橫河記

明邑人張簡

江右上高傅侯先以興化節三吳水災擢今官履任以來
廉以律己勤以莅政會廷議以都憲李公拜大司空總督
民租什之三正德辛巳廷議以吳水利告今上方踐
寶位廩念民生乃俞廷議以秋濬按臨所部徧咨疾苦以
橫河為邑水利仍最要乃倡議疏濬於壬午首春以督
往來勞之侯既忘事其疲縣令佐王侯毛雲侯乃止宿濬
侯慰憚之語益溫乃命董趨絕義民趙縉梅迴可半里侯訝其
迂曲曰非故道也乃命董趨絕義民趙縉梅迴可半里侯訝其
直疏鑿工甚省出多某業願斥以佐官侯可之非梅業
者則又捐錢若干緡購之河既加美故道也工省事集
丁夫懽踴號其河曰傅公河蓋自宋崔侯創也非侯愛
民得民烏能致是哉是河之役蓋自宋崔侯創也非侯愛

江陰縣志

卷三 山川 河港

三十七

軍楊屯田士彥濬之在宋率五十年一濬入我國朝洪
武甲戌重濬天順辛巳再濬至今年壬午更六十一年
濬然非得人如傅侯則大言不行而大司空任不專
烏能成是功耶嗚呼西門豹不能引漳水而民歌四起
邦人之歌其能忘情於我侯
耶余目覩茲盛庸書以記之

開濬事宜

國朝知縣蔡澍

予自令江後博稽邑內水利見各河港多壅滯未濬者
大為農田累乃先敢避也數年來頻見成效乃舉開
按視炎風暑雨勿為數并昔賢耿陳瑚諸議詳
濬時已試之審擇而行蓋或不無云不一測量凡
悉酌定後賢不擇而行蓋或不無云不一測量凡
驗河淺深以水痕於岸上就兩岸痕以簾拽之其闊
未岸水先刻寫某處某號比老岸淺若干開濬
狹乃立一碑寫某處某號比老岸淺若干開濬
水岸闊若千河底應水深若干則深闊畢驗河底
信椿試仰丹弓更以水線通之則淺深闊畢驗河底
至若千丈立一量椿度河身此每里立椿共河身長幾里

幾丈則瞭然可闕其狹亦瞭然矣於兩樁與兩岸中間立若干
丈尺則逐段可闕其狹亦瞭然矣於兩樁與兩岸中間立若干
長以互釘於河心就土刻水痕於兩岸上橫所刻痕牽拽
可為算土方之準欲測水深若干開深幾何從此算頂懸
即沈入水底即知其深若下信樁如某段應開深五
尺迨岸水一截二尺既出乃下信樁如某段應開深五
底再用木長截二尺既出乃下信樁如某段應開深五
將來挑土長木截二尺既出乃下信樁如某段應開深五
方凡工段勿計丈尺止算方蓋同此一丈河也河面
有闊狹河底有淺深則工力之多寡不若第以丈計
則狹而淺者必算準方而深者必算準方而深者必算準
從而作弊故必算準方而深者必算準方而深者必算準
十方留一土柱印官親查勘以驗淺闊狹積一至千
萬方燭照無遺又工部尺較今量田弓丈深闊狹積一至千
妨工必依部尺一畫一段嚴禁陰增弓步當灑分十段每
築壩併工先開一段為樣河次岸第二水段以次而開
蓋防驟雨淫溢致重岸五里之水也一段水段以次而開

江陰縣志

卷三

山川 河港

一丈深亦一丈須用十人挑土三人掘土裝担一人挑
炊認定土方聽其糾夥力作每人担土百尺每担可
土四尺為難尤須更換之若淺灘多生蘆根於從卑至
高用力耕之可代五人工力每處黎明土方至某率眾
赴工踴躍効力督工止須勘驗凡方夫便不知勤惰不
挑盡處為例他處止須勘驗凡方夫便不知勤惰不
時點夫處巡工也一須勘驗凡方夫便不知勤惰不
移考之弊隨督工某所移點一名其間立一人數無
從書每鎮應編定字號某移點一名其間立一人數無
上書每鎮應編定字號某移點一名其間立一人數無
幾百幾十名夫一腰牌書其姓名於冊有幾百幾十
註之每夫給一腰牌書其姓名於冊有幾百幾十
移易之弊除矣一腰牌書其姓名於冊有幾百幾十
沿河堆土挑泥由遠及近凡卸河淤塞必離岸數丈
立標為準挑泥由遠及近凡卸河淤塞必離岸數丈
河而後築隄若兩岸田應圍岸水者則以濬河之
泥增築隄岸別令種田民居隨濬隨築河深而濬益高
此兩策也假如河面闊五尺深一丈以量之徑高
深以弦量闊假如河面闊五尺深一丈以量之徑高

作弓其弦五丈自弦至背徑一丈開河之後以輪推弓而行弓弦向上形如仰月以準岸上水痕弦出痕上則深不及一丈而河淺岸礙弓梢則闊不及五丈而河狹責令如水但須兩岸水痕皆準則深闊狹不差分寸行如水線不到處知河底尚高再加挖深必至順流無礙而止水線須令底方得淺深如一否則諸壩攔截每段之盡使一線通流方得淺深如一否則諸壩攔截每段之可謂工已完也一之開壩河工既畢開壩放水若留壩基在下不惟妨運且使泥沙停蓄須先在壩下掘挖壩潭其深闊與壩之高厚相等然後掘壩土入潭庶河底無留滯之患一派夫照田役夫厥例甚古然規避影射狡黠每易脫漏浮派統括良善多苦重科而僉點夫頭差委書役尤滋勒索派斂諸弊必於舉行之始密弔應役區圖總冊覈明各業戶認管畝數然後通融算派毋任胥役擅權盈縮至夫頭約束眾夫祇於下宕時看驗點充切勿先期僉派致啟倩移換之弊其監工書役官給飯食派斂必懲則錮累永除公事易竣矣一普濬河有幹支均係水利先後疏濬固有次第而灌溉

江陰縣志

卷三

山川 河港

三十九

所藉不僅幹支兩河支河之中更有偏渠仄港雖屬溝澮附近之田待澤至亟若祇濬支河不治小澮則內地反高外河雖通終成阻滯宜於濬河既畢凡通小澮之處俱令隨時一律開挑務使內外大小脈絡節節深通則灌溉之利普矣一撈洗濬河之期不一或數年或數十年事雖善舉而勞民費財不可以為常也江邑瀕臨大江潮汐出納壅塞至易數歲不濬漸成陸計惟於開濬之後相視各河形勢按年遞加撈洗使泥沙不至於積則大役不至數興而民無重困矣

開濬通邑河渠記

國朝邑人 蘇濱

古來以人事濟天工者惟水事為大故建都立邑必相其邱陵原隰以利其水泉之道使足以霑溉而衣食其民其在詩之詠公劉也以相陰陽而觀流泉為建邦之始事其詠召伯也以原隰平而泉流清為營邑之成功

則水之利於民誠大矣我
國朝 奕葉太平德澤所敷重熙累洽宇內歧行喙息之物靡不各得其所乃猶上廛

宸衷特命總理巡方大臣宣示守宰親民之官履行畎澮凡傍

聖心之子愛元元至矣三吳澤國厥土塗泥而本邑襟帶江海
河田畝霑水利者悉令酌量疏通
南來山脈蟠結起伏跬步異形藝田者兼山農澤農平
地農恃水浸灌者尤亟邑中內水則早潮晚汐驚瀾怒濤噴
鶴諸派合流以洩於江外水則易淀恆致填淤故雖通
薄以達於河澮內外交涉泥沙易利應天河為水之經江
漕有運河橫互南北境者有橫河應天河為水之經江
潮之由東西境入者有夏港申港利港桃花順塘蘆埠
范埠新溝橫溝蔡港石頭白沙石筏陳溝諸港為水之
緯其他山塘高泗龍游龍章新涇菱塘斜涇馮涇白蛇
清溪泰清亭子等河縱橫葛既多且備無如因循日
久淺者絕流成陸深者沮洳壅隔頃遇災旱父老相顧
愕眙無策豈多歧之亡羊亦積弊之難起也夫成大功
者不謀眾興大利者不諧俗此獨斷決行之說也而非悅
兌以和民重異以申命則從容緩圖之說也然非牧宰
之才與識實能灼見事先且非其人之德性有以主其
才識則雖興事任功亦無能不疾而速也善乎自吾江
建邑以來未覩賢侯如蔡公者公以名進士宰江甌四
稔於茲廉以率屬勤以勵已風移俗易善不勝書而為
德於江民之最遠大者莫如河渠之咸濟也先丁巳冬

江陰縣志

卷二 山川 河港

底漕運河水涸往例祇下閘蓄水撈淺通艘公奮然請帑
首濟運河既有成績將舉邑河盡濬之特念民力未易
輕舉當因勢利導焉去秋燠乾民始嗷思甘澤公曰機
可用矣會父老來以濬渠告公嘉獎之於是告者日益
眾利弊日益晰己未春農隙鳩工合耦鼓舞而速成之
邑中諸渠凡經緯支幹有利於農疇者共三十有六處
無不一時俱濬廣長深入比舊有加兆民感德踴躍趨
事萬鍤皆興蓋惟公之才識有以終始其事而德性復
有以堅定之也問考古來水利鄭國鑿關中八渠而秦
地益饒西門豹之穿鄴也日今日父老厭苦尚令父老
異日思我言然此猶淺近之功效踏駁之霸圖豈如我
公實心實政真能以人事贊天工者哉宜其與召伯同
功克繼公劉之成績而斯民飲德遙望巘原流泉間且
不勝河酌之意然則公雖欲辭頌禱而民其曷已哉頌
曰粵惟我公神君慈母克剛克柔撫莅茲土粒我蒸民
大利在水滌源澤陂壤賦是起
帝曰念哉咨汝良宰疏之鑿之吸江飲海千耦來同畚鍤赴工
公曰弗亟民集雨風漑我邦族康我婦子我公精神滄
演此水麥隴陰陰馴雉朝雒人恬物熙以娛老壽天施
地生益道大光夙以健決坎以順藏賢勞有成永綏邦

境於鑠斯年
受天之慶

開挑城運兩河碑示

國朝知縣 葉維庚

為勒石遵守以垂久遠事奉本府程批前縣王呈
 城運兩河三十六鎮通派開挑緣由卷查該馬家湖田
 畝係塞湖為田四圍隄岸皆切近夏城等四鎮居民修
 築康熙間呈為田優免該隄四鎮一附錫二邑芙蓉圩之例連
 開挑運河並優免該鎮前縣張圭據情詳奉前撫憲批準
 挑河亦並優免該鎮前縣張圭據情詳奉前撫憲批準
 免派道光元年又值開河該縣將四鎮應出夫役灑派
 三十二鎮旋據合縣紳耆呈稱城運兩河分年挑濬素
 係通邑按田出夫從無除免一鎮一保之事仍照向例
 通邑派挑前縣王克勤以輿情未協詳請凡遇挑河年
 分若水大則該四鎮岸修築即同通縣各鎮派工應免派
 夫儻遇旱年並無圩岸可築即同通縣各鎮派工應免派
 公允等情前來本府復確加查核康熙十年碑示只
 有優免差徭並無挑河字樣該縣運兩河湖自康熙
 至今挑河次數不知凡幾因係三十六鎮公派誠以該
 四鎮捍禦隄防不無勞苦因免差徭以體恤而挑河該

江陰縣志

卷三

山川 河港

四十一

係地方公務不得謂之當初設開河亦在差徭之內前
 人之智未必不若後人當初設開河亦在差徭之內前
 須百餘年必待謝陵等以江邑之控人而援外縣之例以
 形彼此不同謝陵等以江邑之控人而援外縣之例以
 服合縣之心況馬家湖與芙蓉湖廣闊圍岸綿長修築
 田三萬六千餘畝地勢低窪身廣闊圍岸綿長修築
 不易馬家湖與芙蓉湖廣闊圍岸綿長修築
 畝應修圍岸較芙蓉圩不過五分之二何能七千三百餘
 况該四鎮現在隱射寄免之派諸田已有二萬八千餘
 畝紳耆之不服也仰即再行確核悉心妥議詳具
 詳撫藩憲察辦嗣奉憲程札內開奉布政司賀並札
 奉蘇撫三部院陶批通陰縣挑運兩河為合邑居民利
 賴向來三十餘年優免差徭碑示並無挑河字樣歷屆
 熙年通邑均請派免差徭異議維慶無挑河字樣歷屆
 皆係通邑均請派免差徭異議維慶無挑河字樣歷屆
 更立新碑遂致紳士等控紛輿情不協現據該府
 縣確加體察議請紳士等控紛輿情不協現據該府
 凡遇挑河之年該四鎮一律派夫昭允而杜推諉
 等因由司轉府下該鎮遵一案合行給示勒石以垂永

久嗣後凡遇開挑城運兩河仍照嘉慶十五年以前舊章通縣三十六鎮按照業食佃力計畝派夫以昭公允所有四河青下黃橋夏城等四鎮應遵各憲批示永遠遵照辦理勿再藉詞推諉致干重咎

汪公亭記

國朝邑人 徐炳光

斯亭何為而作也邑侯汪公自同治丁卯履任以來廉以律已勤以聽政振興善舉美不勝書而德徧羣黎恩同再造貽數百年樂利之庥者尤莫如重濬橫河之役橫河由邑城以東直達谷瀆互長七十里跨七鎮抵邑東鄙為諸港之徑流南通湖南北引江潮資灌農田數千頃宋知軍崔公立平地疏鑿史因其有功德於民列循吏傳然各港潮汐挾沙往來交滙于河淀淤甚速易壅難濬閱前明黃志所載即以來復宋舊為缺政入國朝屢濬屢壅漸壅漸高今則大橋以東數十里盡為平壤水道失宣樹藝不熟他鄉屢饑豐年而橫河處所災荒迭見民不聊生公蒿目怵心于戊辰冬彙集紳耆議濬皆感謝尋以工鉅費艱逡巡莫敢任事公曰此河不濬是無民也倡捐廉俸千緡以鼓民氣循按夜巡督夫法具牒請於大憲尅期徵會萬鍾如雲公晝夜巡督夫雖

江陰縣志

卷二 山川 河港

四十二

嚴寒積凍往來河濬不少倦迄歲杪成有日矣會霖不止積水成渠有竊議者謂藉是公馳赴河干徵夫復而不大濬猶弗濬也元旦之明日公馳赴河干徵夫復丈面加闊底加深必以復舊河身為一勞永逸計時將東作役有難色公慰諭甚溫督限甚峻而民知公之令不可違且心折其以佚道使也兼程力作臨深鑿堅見古河形底色青黝平如砥兩岸積土如山阜臨瞰險怖負擔蛇行而下上者且數萬計自冬徂春閱十有五旬而後舉百年之積壅疏滌如洗實為自橫河以來未有之鉅工甫竣湖漚之水汨汨交會舟楫暢行田疇廣溉歲以大稔而公猶慮峻而傾塞也勸諭農佃移岸土築田以防兩盡其利猶慮河之廣而病涉也傾囊出資二千餘緡獨建橋梁二十八座以普濟其眾頓使涸轍化為濠梁石田盡沃壤於是白叟黃童耕夫鎡使婦衢歌巷舞蹈德詠仁不知所報與負土累石建亭於東外鷄鳴橋西之河干羅拜而呼之日汪公亭謂世植等從公于役深悉其難非公獨斷不撓力勝艱鉅迺克有濟者宜乎民之感極而有是舉也用敢記其事而鐫諸石以誌弗諼焉公名坤厚字漁垞浙江蕭山人

也同治八年歲次己巳仲秋七鎮士民公建

重濬東橫河記

國朝知縣林達泉

自邑城東水關而東有河綿互於雙牌三官周莊大橋
 章卿楊舍六鎮之間志載七港北引江潮黃山水石從沙
 餘里所謂橫河者是也泗港范港斜橋十港之橫六港而
 石頭陳溝雷溝北蔡泗港范港斜橋十港之橫六港而
 吐納南通湖蓋以南北蛇亭子清溪南蔡谷橫互其間之
 水從此貫注蓋以南北蛇亭子清溪南蔡谷橫互其間之
 故曰橫河也往來實以東橫河為最通則邑東諸鎮受
 灌溉舟楫之往來實以東橫河為最通則邑東諸鎮受
 其利塞亦均病是宋知軍事崔公立勑濬矣惟是斯
 土者往還沙泥易淤亦以長役自乾隆初年蔡大令
 潮河之濬雖頻河之壅亦以甚溯自乾隆初年蔡大令
 事河之濬雖頻河之壅亦以甚溯自乾隆初年蔡大令
 澍兩鎮大濬後及嘉道百數十年楊舍雙牌十三官周莊
 大橋四鎮猶能浮送輕舫其自楊舍雙牌十三官周莊
 成平陸居民或構屋其上且汲飲莫由挹注尤以橫河不
 鎮則旱潦莫由蓄洩亦且汲飲莫由挹注尤以橫河不

江陰縣志

卷三 山川 河港

四十三

濬為病同治七年令汪君坤厚嚴令行念民艱與諸董
 議循業食佃力例興工大濬法嚴令行念民艱與諸董
 於橫河者至於伐木發屋自挑而章淫楊舍土漲雙牌三
 官周莊大橋之役夫告病而章淫楊舍土漲雙牌三
 河通而未暢卒以得夫告病而章淫楊舍土漲雙牌三
 紛騰怨讟其後居德也予繼汪君後於田至畝收數倍
 亦無不頌汪君之德也予繼汪君後於田至畝收數倍
 居民以東橫河之係六鎮而章淫楊舍土漲雙牌三
 未竟其利汪君之功有二如一棧之署正祖厚尤二理
 局重濬並延舊董沙尹迺捐廉尤二理姚君紹
 堂及予往來巡視孟冬廩生驚飛駐局督理縣尉姚君紹
 生及予往來巡視孟冬廩生驚飛駐局督理縣尉姚君紹
 年正月三十告竣較汪君時所濬增尺或至四尺有
 奇黑壤青泥積堆兩岸父老以爲前次君重濬有深於
 此者而東橫河之利已盡茲繼汪君難予則因君
 於章卿楊舍之河無異平地生開實肩其難予則因君
 下而循之且諸董皆汪君所倚任能不勞怨予因君
 延之循之且諸董皆汪君所倚任能不勞怨予因君
 六鎮大利且七年舊章實較汪君所倚任能不勞怨予因君
 爲之鎮雖盛弗傳而汪君迹於鄭國在前白沒在後也莫

閘堰

黃田閘在黃田港江潮由此入灌諸河舊有上閘址在今
閘之南百步莫詳初始宋大觀間縣丞于溥改建今地
元明因之洪武三年置閘官以司啟閉正統元年重建
并建石橋知府莫愚請於巡撫周文襄凡役夫二千五百名用石四萬五千丈木二萬一百棵磚二萬一千方灰四萬觔鐵一萬一千觔米二千九百石

國朝康熙二十一年知縣沈清世重設閘版雍正十二年知
縣郭純詳請重建檄委原任保甯府知府陸錦董理更
建閘橋名定波加築永定壩知縣蔡澍監修同治六年石

岸傾圮邑人稟請興修十一年大憲勘估築壩尚未興

江陰縣志

卷二 山川 閘堰

修

蔡涇閘在九里河西節制夏港潮水舊名下閘亦名南閘

宋開禧間知軍葉延年重建元明因之洪武三年設閘

官正統元年知軍王子倫重建

亦知府莫愚請於周文襄凡用石四千五百丈

木二萬二千棵磚二千萬二千方鐵一萬觔有奇役夫二千五百人米二千九百餘石

嘉靖八年

知縣劉欽順重修今廢

四河閘在縣南四十里鈐束運河北障江潮南節五瀉溪

湖諸水糧艘往來資其濟運為通邑水利之要區康熙

三十六年知縣耿慶詳建歲久塌圮乾隆三年知縣蔡

澍詳請移建於舊閘北里許奉憲檄勘估而絀費未就

九年知縣劉新翰以沿塘十鎮士民請計畝公捐閘移
建始成二十三年復圯二十六年知縣汪邦憲援十鎮
公捐例重建完固嗣後每屆受兌設版啟閉焉

新涇閘在新涇河口宋知軍施邁建以節漕河之水旋廢
五斗港閘在丁墅鎮亦名找溝閘久廢

國朝乾隆七年知縣蔡澍檄里民重建

申港閘在本鎮港口康熙三十八年邑紳繆燿捐建

桃花閘在桃花港口久廢

分水閘在小桃花港口乾隆四年知縣蔡澍檄里民建

馬嘶閘在橫河蔡港之交宋政和間縣丞楚執柔建久廢

江陰縣志

卷三

山川 閘堰

四十五

今石址猶在
土名閘上

唐墅閘在橫河谷瀆之交亦楚執柔建久廢

令節閘在楊舍堡城北令節港口今廢

黃山閘在趙婆港口明萬曆間知府譚桂創建今廢

三關淺水閘

按此於水關爲二尺堰以蓄水卽今公善堂
寒冬蓄汲之法也第昔用閘而今築土壩耳

西長涇閘在顧山東莊盛堂廟前同治間建

停水閘在西外長溝河口同治八年建

大路溝閘在虞門鎮咸豐二年建

萬隆閘 正隆閘二閘在觀山鎮盆塘圩南岸今重修

鄭經閘同治四年建

戴家橋閘同治十一年建

范埠溝閘同治十二年建

利濟閘同治十二年建

余溝閘同治十三年建

俞增橋閘光緒三年建

雙仁橋閘同治八年重修以上均在夏港鎮

雙涇閘又名瀾安青龍閘在馬家圩東堤

回塘堰在東城內沿濠今址尚存

利楚堰在東城內宋縣丞楚執柔建久廢

永定壩在澄江門外土名魚行壩明宣德間築後為奸民盜決

江陰縣志

卷三

山川 閘堰

四十六

邑多災眚

國朝康熙三年知縣何爾彬力主堵塞遂鑿龍鬚河以殺水

勢并建禪院鎮之院今毀

政和河港堰閘記

宋邑人 蔣靜

惟江陰地廣民稠為毘陵五邑之冠壤四高中下而旱
乾水溢比旁縣為鮮嘗竊怪之已而披按地圖大江橫
其北太湖處其東南而挹北江之潮汐醞具區之泛濫
為河港以十數派而為溝洫分而為畎遂若身之血脈
失其節宣則病或乘之此天禧之崔屯田立嘉祐之楊
都官士彥所以汲汲於橫河市墩令節蔡港以為下車
政治之先而書諸國史形諸褒詔記之楊蟠之文民到
於今稱焉蓋導江而南被其最巨者由黃田港閘距
五瀉堰為漕渠而漕渠之東有河曰市墩又其東曰新
河新河受令節港之水市墩承蔡港之流皆北引大江
南匯代洪港而震澤之餘波暨焉猶或滯而不周崔乃
西起漕渠東至令節鑿河以貫之於是縱橫絡繹與百

瀆相爲經緯而田窪者仰旱者澤瘠前人腴介於江湖之
間暨陽獨爲沃野此士彥所以一理前人之迹而百姓
重饗其利也迄今五十餘年橫河故道無錫而人辨市墩
新河代洪港悉又反壞而黃田插水由無錫而六年之
不得洩北江成等數鄉之頻苦旱澇而注者又遏而不
於是白鹿化五朝廷信賞必罰於民功尤重得以承流宣
秋賦之捐者且歲月雖欲獻議而部使者沮不得爲所
化不能仰副朝廷執柔患之意郡邑外臺謂利害也政
午縣丞楚通仕柔患之意郡邑外臺謂利害也政當與
者莫先崔侯之所鑿與楊守之視道謂利害也政當與
二橋之旁而築堰邑東門之外以南洩震澤北節大墅
視二水之盈虛而爲閉則善無以加乃度地計工因
農隙貸常平錢穀集夫萬四千七百有奇延袤深廣計
夫授步二河一私錢佐費於是三河新流透池兩插宏
食利之家爭出私錢佐費於三河新流透池兩插宏
壯作己未冬十一月辛巳畢工二月庚戌以明年
三月己巳將濬橫河會知縣王承奉有來遂相與戮力
自邑之回塘堰出建寅門東至石港皆令所董由石
牌以達令節則丞寅所部不逾月工就而東門之堰亦

江陰縣志

卷三

山川 閘堰

完積工四十萬而民不以多辭散緡斛二萬二千三百
而官不恬不以費嗇乃知丞此舉不爲小補與夫職爲民
官或謂歲不歉民念者不可輕擾而丞以語矣始丞之議
役或謂歲不歉民念者不可輕擾而丞以語矣始丞之議
水利之不脩苟實相與讐石以待書子謂十是邑人果
以令丞功利之實相與讐石以待書子謂十是邑人果
待記而可知乃濡筆識之俾蕪沒而無考
則或在於是乃濡筆識之俾蕪沒而無考

重建黃田閘記

宋邑人 蔣靜

暨陽城北一里許有港曰黃田世傳以爲楚黃歇開以
溉田而後人以是名之者也北引大江橫貫城中南出
於郭透迤曼衍截蔡涇過崇鎮至五瀉堰凡七十五里
而距二浙之漕渠其播爲支派若瓜蔓虵足東以萬錫
西交晉陵繚繞縱橫又不知幾里而除頃有萬計
皆資潮汐爲膏腴莫測其盈虛則乍滿乍除頃有萬計
不能運之於涇無所涇以故昔節制旁浦之水於北江
之潮又接蔡涇無所涇以故昔節制旁浦之水於北江
至無涸絕或終古瀉鹵者皆節制旁浦之水於北江
之茭牧其中或終古瀉鹵者皆節制旁浦之水於北江

長棧巨艦夷蟻海錯魚鹽果布之屬輻湊於城中故居民富饒并邑繁盛臺門雉堞與列郡等而大王公與朱明守以二千石頗矣其流詠詩人見於疏而大夸文犀魚蟹之富乃知黃田港以要津而創置則歲久失傳不故旱乾水溢農人疲於畝往商旅困於舟航而粟帛之奉朝廷租賦之輸州縣者往商終日不復利乎時疏之吏多苟且歲無財賦之民由心而故雖功利一乎時導繕完之費而不知財賦之民由心而故雖功利一乎時來守猶持議數年不決君充邑丞于君溥主簿徐君侯申尉韓君立之踵至訪知縣之瘼無成大港而徐君侯申實丞之職丞乃詳究籌畫之民雖已取成於心而徐君侯申者會歲事稍登人樂自効得錢三百萬以市材命工遂以庚寅季冬卜上插之良址於舊基之北百步外為之而樂於明年政和改元之正月人知勞之為永逸皆樂事而勸功增卑而倍薄其版築人實規制宏壯反觀舊址若坐巍阜視培塿焉乃作亭平且使以謹於驚闔

江陰縣志

卷三

山川 閘堰

四十八

瀾怒濤之間而望吾插而濟焉者得亭以少休而收去幹之魂得廟以恭謁而申更生之禱也亭三者備矣而昔人下流之積沙去支港而游境之復民可知材作新下食魚與稻之凶歲憂漕輸者亦謂之卒而利源之出管乎是矣不可使鄰邑弗獲其施俾復西導疏下流以達州城陵武進而兩邑之相與戮力接疏下流以達州城之北使灌浸周於郡境而風檣萬里順流而縱朝江海而夕昆陵也於商賈歌於川塗居民而賀於巷朝耕夫耘者知欣鼓舞願置刻於康衢人功而記且欲後之為政者知港之惠如無荒忽前人之功而為行道之所笑是亦古人之所以不無荒忽前人之功而為行道之用財賄而廣德於無窮也

淺水閘記

明邑張袞

江陰四門南北東三門皆設水關潮汐患至未有閘也北倚大江直受江水之激射朝浮暮涸比及冬寒城中無勺水自潤況舟楫乎嘉靖丙午連遭旱威人聽民之無內外居入願出私錢自嘉靖丙午連遭旱威人聽民之

請復令公舉耆民三人領之成畫既定趙君入觀推東
刻溪裘君來署縣事乃布令國中畫指揮各役關北關水
則陳鶴徐治主之關以南屬之黃鑾願獨力是究去
利丞王南山總其事為制也壘石為防中橫以檻
河底二尺有餘潮至則北舟從高三人退以禦湍急東稍於
云云渠蔚有嘉利惟北築高三倍以入於關之河此
其大較也趙君既礮石道而旁俾子南書之以永憲於來者

永定菴長生書院記

國朝邑曹禾

江陰古暨陽地也其城後枕阜前瞰馬鞍東南諸山
屏帶拱揖長江浩淼經流其北邑中水道皆引江潮
開堰啟閉得其要領故紆流回抱甲第為情此冠二得
年利也勝國之初民殷物阜文風甲第為情此冠二得
九來法弛民怠水驟利不講諸壩江潮北來激射如箭乍盈
乍涸衝突異常青烏家皆謂此為元武水不特病民及
且病吏已而劫灰遍邑占者之言始驗先戶部每談公來
茲役常欲倡興復未副此志康熙改元於潛悉利害
治此邦下車之始問民疾苦周覽城郭山川熟利害

江陰縣志

卷三

山川 閘堰

四十九

毅然欲復舊觀會政事伊始未暇也於三年之春募
填塞不閱月壩成復毀圖建其治內外濠秋闡南北
議焉先是癸卯之春公捐俸登賢茲成進士則公人
舉於鄉者四人禾遂得由前事矣今茲成進士則公人
風水說公之洞鑿已信於前事矣今茲成進士則公人
內召擢禮曹主客司極清華之選茲成進士則公人
時擢令建陽則壩之役利於官茲成進士則公人
知饒州峯見饒土人礪遂相山水勢亦移學官對
文筆一峯已而彭汝礪大魁天下希文亦由潤州轉
越州內擢政府饒之人士公迄千百年而未絕何
公德於吾鄉大庇斯士使汝礪其人者出焉則公既
以功名顯終吾鄉之竊謂公不且深遂不揣僭筆而為
成禾實始終其事竊謂公不且深遂不揣僭筆而為之

四河閘記

國朝知汪邦憲

江邑舊於黃田港四河口並建閘座資蓄洩利漕運黃
後四河閘先廢黃田四河口並建閘座資蓄洩利漕運黃

田開南則四河口及溝港悉築壩蓄水漕艘發乃決而通之商農兼病者數十年矣前令蔡君澍詳請籌撥移建不克歲甲子沿塘十鎮士民願計畝公捐請於前令劉君新翰轉報上官開始成歲戊寅開復圯士民援前例請因授董經理務為完固經始辛巳十月至壬午十月告成蔡劉兩君之用與十鎮士民之好義皆不可泯沒爰書其始末使後之修舉者有所稽焉

潮汐 附

潮信每月初二初三初四及十七十八十九共六日謂之大信外口水痕增高四五尺漸入漸減至末流僅尺許然沙之積此處尤劇以其強弩之末僅能送之入不能挾之歸也初五以後二十以後潮痕日縮謂之小信漲不過二三尺遠者竟不至矣若嚴冬洩寒名凍殺潮故土人以十月潮進港

江陰縣志

卷三

山川 潮汐

五十

為創見也

潮候初一十六並寅初申初平初四十九並卯初酉初平初六廿一並辰初戌初平初九廿四並已初亥初平十一廿六並子初午初平十四廿九並丑初未初平大抵潮水入內來三時去三時去之時稍有餘而潮自海門長起由東泝西以遠近為遲速焉黃田港與上海黃浦江相去三百餘里黃浦江潮落時即黃田港潮長時泥時言潮者非

潮風西風名退潮風雖大信不盛西北風次之南風雖至而平東風稍盛北風大盛東北兼作名曰風潮大信潮入內地或一二十里若七八月間饕風陡發潮入洶

湧百倍尋常不特田禾滄沒廬舍人民亦多漂溺謂之
海漫

潮時早春初起背春涉夏漸盛夏秋之際極滿盈矣八
月十八日俗謂潮頭生日視常加倍過此漸減及冬而
平惟處暑白露之交稻初花豆始實木棉結果時風潮
一至百昌皆敗而瀕江及沙洲被患尤甚

國朝雍正間知縣郭純於江心東永平凝等沙建築土墩四
座高二丈面寬七十
弓底寬一百十弓堅固高壯爲沙民秋季避潮之所
焉

江陰縣志卷之三終

江陰縣志

卷三

山川 潮汐

五十一

